

了今俱不見惟憑一點照寒空也非道也非禪杳杳冥冥合自然萬事別開清淨眼赫空朗耀照無邊

悟真歌

馮尊師

覺中覺了悟中悟一點靈光無遮護放開烈焰照娑婆法界縱橫獨顯露這些消息至幽微木人遙指白雲歸此箇玄關口難說目前見得便忘機不是葛藤老婆舌端的慈悲真妙訣一輪明月杖頭挑一爐紅焰盛春雪我本元修大覺仙有緣悟得祖師禪歸來一曲無人應翠竹黃花體自然畫堂一炷沈煙細空嘆文殊問病意曹溪月朗風自清金蓮開遍祇園地橫擔虎杖便歸來雪閉寒山路不開瀟灑此時誰會得知音惟有數枝梅

道藏輯要

鳴鶴餘音

聖

黃集八

自從認得長安道不愛閑花并野草夜深枝上子規啼壺內樓前春正好到家自在樂無爲觸處頭頭顯聖儀不是大慈千手眼玉人拈出古摩尼將何法寶明此物杳杳冥冥及恍惚衆生不識這如來三世諸佛獅子窟真閑真樂向誰誇盡是鷓鴣并底蛙一曲空琴彈罷處青山依舊鎖煙霞

證道歌

呂洞賓

悟真常不達命此是修行第一病只修真性不修丹萬劫陰靈難入聖達命昏迷祖性恰似鑑容無寶鏡壽同天地丈夫兒把握陰陽爲本柄性命全玄又玄海底洪波度法船生擒活捉蛟龍現始知匠手不虛傳